


L. h. 264.

1) Türkenbüchlein

Ms. A. 21 - 171


PK



1

S Arhafftiger vñ
gründlicher bericht / des Tür
ckens Eroberung Zigeths / erfolgt auff
den 7. tag Septembris.
M. D. LXVI.

Lh 164



Handwritten text in a historical script, likely Gothic or similar, appearing as a faint watermark or bleed-through from the reverse side of the page. The text is arranged in several lines and includes a date at the bottom: "ANNO DOMINI 1571".



Warhafftiger vnd gründlicher Bericht/
des Türckens Erobrung Zigeths/ erfolgt
auff den 7. Septembris/ 1566.

Am zehenden tag Septembris zu abents/
ist ein hungerischer Junack oder knecht / allher in
disz Kayserlich Feldleger zum Herrn Obersten v=
ber das Hungerisch Kriegsuolck/ Graff Andreas Vato=
zi/ von Batorz. kommen/vñ die leidige Zeitung gebracht/
das der Zigetth von den feinden erobert/was auch darin=
nen neben dem Herrn Graffen von Kriegsleuten vnd an=
dern Manns personen vberig im leben gewest/ alles nider
gehacket ist worden / ausser des Hoffmeisters / Hoffrich=
ters/ Landschreibers/ Haußschaffners vnd Kochs/ weilli=
chen die Feind fleissig nach fragen/vnd sie alsbald in Ey=
sen wol einschmitten lassen / vermutlich von denen die ge=
legenheit aller zu geher / ein kommen vnd anderer Hauß=
wirt schaffe halben sich zuerkunden.

Angesehen/das ein zimlicher grosser bezirk Lands/ zu
disem Hauptschloß Zigetth gehörig/vñnd sich mehr als in
20. Meyl wegshinab auff das Türckisch/vnd auff der sey=
ten her weit vnder Ofen erstrecken thut/Also/das auch ein
gute anzal Türckischer flecken vnd Dörffer/wie auch Tol=
na/ So ein namhaffter flecken vnderhalb Ofen/ Järliche
dienstgülden vnd andere gerechtigkeit daher gereicht ha=
ben/ vnd Tolna allein 1000. Hunggerisch gulden für sein
angepür jedes Jars an gelt erstatten müssen :c.

Angeregter Junack zeiat fernner an/ wie das er auch
ein gemeiner fußknecht im Schloß Zigetth gewest / Vñnd
nach der erobring von den Türcken selbs daher zukom=
men/

A ij men/

men/ vnnnd die Pottschafti irer eroberung zubringen ver= ordnet/wie sie dan ebner massen auch einen andern zur F. D. Erzhertzog Carln/vnd den dritten in das schloß Wa= potscha züggleich abgefertigt. Was nun diser Junäck wei= ter außgesagt /so mit andern hernach ferner einkommen fundschaften vber eingestimpft/dzvolgt fürzlich hernach.

Vnd befind sich anfenglich/das der Türckisch Kayser in anderhalb hundert tausend starck/geüpts vnnnd unge= üpts Kriegsvolck / 29. tag lang vor dem Zigeß gelegen/ vnnnd kein stunde weder tag noch nacht gefyret / dassel= be zum hefftigsten mit dem Geschuß/vnd sonst in ander weg zu arbeyten / vnd mit öfftern gewaltigen langen vnd grausamen stürmen anzufechten / vnd darunder auch et= lich mal/vñ sonderlich am ersten/seine fürnehmsten Kriegs leut alle /samt den Janischarn selbs perschonlich stür= men müssen. Aber dessen vnangshē /so hat / doch der Kay. May. gewester Rath vnd Obester/ Weyland Graff Ni= class von Serin/der massen inen so Ritterlich vnd starck widerstand gethon/das auch die Feind sich dessen nit ge= nügßam verwundern künden.

Die Statt hat er zehen gantzer tag den Feinden vorge= halten/vnangesehē der hefftigen Stürm /so daran gelegt worden. Letztlich als er gesehen/das dieselbig nicht weyter zu erhalten/hat er bey der nacht das geschuß vnd Muniz= tion samt dem Volck / inn aller still hinein ins forder Schloß gebracht/vnnnd darauff sollich Stättlin an mehr orten angestossen/vnd behend hinweg gepreudt.

Nach welchem dann die Feind immer fōrt gefahren vnd vor der jetzt angeregten beuestigung des eussern Schloß vnablässig zugesezt. Hernach aber der Graff gleichsals bestendiglich vnd wolgewöhrt / auch den Feinden heraus merck=

mercklichen schaden / nicht allein vnter dem Stürmmen
vnd mit dem herans schiessen / sonder auch in etlichen auß
fällen zugefügt hat / biß gar auff die lezt / das im durch das
das grausam schiessen vast alle wehren zum stand dermas
sen hinweg genommen worden / ja auch dz kein widerbau
mehr helffen kündē / so hat auch an dem ort daher man sich
von wegen des grossen Wasserigen sumpffen gemöß an
wenegesten befert / vnd die vnsern sich daher für sicher ge
halten / hat der Bascha alij portu / durch sonder machte Ca
nal vnd gruben / das gewesser grossen theils abgefürt / vñ
dann so viel holz vnd Erden herzu bringen lassen / das er
auch ein merckliche grosse hohe schütt in kurzer weil / alles
durch grausamer arbeit viler vnzäligen tausent person ar
mes Christlichen Paurvolcks / auffgeworffen / vnd ob
wol die vnsern vnablässig in dieselb geschossen / so hat es
doch der Feind / weils allein vber arme Christenheit gan
gen / für gar gering geacht / so wol deren halben / die vn
ter ime dem Türcken / vast von Griechisen Weissenburg
an / biß daselbst hin ihr wohnung haben / vnd daher zukom
men genötigt worden / als der andern armen ellenden men
schen / so erst in disem zug vnder sein vihisch joch vñ dienst
barkeit / auch sonst in erbämliche gefencknus gebracht wor
den / Vnd als dann hat ermelter Basche alij portu / sein
newe erfindüg zu expugnacion der Vestung an die hand
genommen / als nemblich das er drey wägen neben einan
der / vñ allezeit vierzehennach einander / in die lengst auff
sterckest an / vnd in einander mit starcken fetten vnd an
der eyssen wercken bunden / merckliche grosse Peüm vber
werch flecken weiß darauf gehefft / vnd also gleich einer
gewaltigen starcken Druckten / vber die erst vorgemelte auf
geschütte höch / vnd ter einsten durch die grosse menge der

vor obberürtē ellenden armen pawrleut / (so auch zuvor
was daselbs vberig vom Schloß gruben gewesen / auß=
füllen müssen) biß gleich hart an das Schloß hinzu schie=
ben lassen / vñnd demnach alsbald darüber hinein / gleich
wie vber ein gewaltige Prucken hefftig mit gewonlicher
vngestüim hefftigkeit gestürmt / gleichwol dennoch ettlich
mal von den vnsern wider abgetriben / Vñnd er der Alij
portu / selbs an dem 13. Sturim auf solcher seiner inuenti=
on / in angesicht des Graffen seeligen erschossen worden /
Vñnd ist zu wissen / dz er eben auch diser seiner inuention /
sich vor einem Jar in der Insel Malta / in eroberung S.
Elmo gebraucht hat.

Darauff dann der Graff / von wegen solchs fürnemen
Bascha todt / alsbald vnuerhindert / aller beängstigung
freuden feuer machen / Vñnd mit Schalmeyen vñnd
Trommeten frolockung (obs wol vermutlich / das niche
vil grosser freuden mehr bey ime gewest) erzeigen lassen.
Darunter aber verlusts halben des ehgemelten Baschen /
vñ von angeregts Graffen darüber ergehendes frolockē /
ist der Türckisch Kayser noch mehr vber in ergrimbt / vñnd
fürter aller eusserster ernst / auch durch die Bascha Sani=
ziack Dözen aga / Spahij / Janitschärn / vñ ander gemein
Kriegsvock / mehr als vor nie gegen dem Schloß auff al=
len seitten fürgewendt worden / Vñnd hat sich insonderheit
vnglück zugetragen / als Er der Graff hinder der vordern
Wasteyen / von holz vñ erden nach Hungerischer art zaun
weiß gar vest zusamen gemacht / vñ basz hinnen darhind=
er widermaln einen gleichen vesten zaun erbawet / Da
enzwischen aber vil puluers vergraben / vñ also zubereit /
damit wann die Feind gleich den vordern erobert / vñ dar=
über hinein kernen / das als dan durch anzündung solches
vergrabens puluers / so von inwendly heraus geschehen
sollen

sollen/sie all vnter einsten im Rauch auffgiengen/re. Hat
sich jr vnglück gefügt/dz solchs also mißrathen/ die feind
durch Ir hefftig gestreng arbeiten mit dem Geschütz / die
vor der verzeuerten Beuestigung dermassen entpößt/das
sie denselbigen anzünde / vñ durch solch Fewr das vorge=
mele vergraben Puluer auch angangen / vñ die vnsern
merckliche grossen schaden darvon empfangen / auch irer
vil darvon zu grund gangen/vñ zu mal mit wenig vrsach
zu endlicher verlust des Schloß gegeben hat / dann der
Graf darauff dz forder Schloß gar verlassen / vñ in das
inner weichen müssen / Alda sich dan widerum ein anders
noch mehrers vngesell mit feuer begeben / zu der zeit als
der 15. vñ lest General sturm angeloffen worden/darun=
ter gleich bald anfangs in einem gewölb / darin en auch et=
lich zentner Puluers gelegen / durch verwarlung einen
Weibs solch Puluer auch angangen / einen theil des noch
vberblibnen frieguoß wie auch sonst vil Leüt hingenom=
men / vñ gleich den leidigen außgang vñ bedaurliche end=
schafft dises handels mercklich befördert / sonderlich weil
sollich feur im inneren Schloß dermassen vberhand geno=
men / dz der Graf mit den seinen / so dem angeregten grau=
samen stürmen widerstrebt / vor jm kein weitere weh: noch
aufhaltung / sonder allein alles vber vñ vbervoller grim=
migen Feinden / vñ dan grewlichs feur so auch eins mals
auff in gedrungen / wissen oder sehen können.

Also hat in den ehrliehen / Mäñlichen / Ritterliche Gra=
fen / gleich die aller lest vñ eufferste not bezwungen / das
er sich mit den noch vberigs bey sich gehapten Edelleüt /
vornē herfür / dz ander auch noch vberblibne frieguoß
gerad für die Schloßporten / die er in solchem trang selbs
öffnen lassen / auff die Prucken in seinem Panzerheimet /
vñ mit einem Hungerischen Haupternisch / auch einer
Faust=

Faustpüchsen/ vnd beydhendigen Schwert/ an der seitten
begeben/ Vnd als er auff einen fürnemen Türcken / den er
auch wol angetroffen loß geschossen den Feustling von sich
geworffen/ gleich zu dem Schwert gegriffen/ vmb sich ge-
haben vnd gearbeyt wie ein Riß/ Also das der Feinden
schir gar keiner zu jm gedorfft.

So bald nun der Türckisch Kayser soches erfahren / hat
er befolhen Jme in Crabatischer sprach zu zuschreyen
lassen/ was er sich zeihen/ vnd also auffarbeiten lassen wol-
te/ er solte sich in seiner Großmechtigkeit gnad ergeben
vnd stellen/ deren er auch als ein Ritterlicher Held / wol
vergwist sein solle.

Darauff er geantwortet/ Er dorff seine Gnad nichts/
Jme were auch seiner Gnaden vnuerborgen / er wolte vil
lieber ehrlich sterben/ von seins Gottes glaubens vnd Chri-
stlichen Kayfers wegen / als lebendig in seine Tyranni-
schen gewalt kommen/ sein todt wurde auch nit vngerochē
bleiben/ aber (ob Gott will) sollen sie die Türcken / in sei-
nem Leben nichts an jme habe/ also hat der Türckisch Kay-
ser nach vernomner antwort/ von stund an sonder Janit-
scharen auff in verordnet/ in bald darnider zuschiessen/ dē
ist auch leider also gefolgt/ Er der thewr Graff vnder der
lincken brust durch den leib durchschossen/ des gleichen mit
noch einem andern fornen auff die stirnen getroffen wor-
den/ gleich danider gesuncken vnd todt gelegen/ Also ha-
ben seine Edelleüt in noch lang also Todter entsetzt / aber
lestlich sampt jm alle daran gemüst/ vnd ist ihm darauff
bald durch die Türckischen hund das Haupt abgehacket/
vnd also frisch vnd blutig dem Türckischen Kayser fürge-
tragen worden/ darob er vil frolocken gehabt/ vnd sich al-
ler hand hochmütigen reden/ soll haben vernemen lassen
Aber

Aber vil lieber het er in lebendig gehabt / Es ist aber für
den ehrliehen Graffen / der so Ritterlich vnd redlich / auch
seligklich vñ ruhmlich gestorben / d̄ so lang die welt steht /
man sein ehrl loben wird / vnd dan auch für die ganz Chri-
sten vil besser / also / da se vnter den zweyen d̄ eine sein sol-
len / Gott gnad diser vnd anderer Seelen / vñ vnd verleyhe
inen ein fröliche Aufferstehung / Amen.

Als nun auß Göttlicher verhengnus der Christen-
heit / solcher nit geringer abbruch vñ schaden verluste hal-
ben / dises Redlichen vnd wol erfarnen Ritterlichen kriegs
obersten des Grafen seeligen / sampt ermelten ansehenli-
chen vñ stadlichen Grenzen / Fläcken / leider gemeiner
Christenheit begegnet / Da hat der Türckische Kayser als
bald Schloß vñ Stat vñnd alles miteinander eylends
aufraumen seübern / Vnd die weil er sich se der zeit etw̄
schwach befunden / mit grossen Triumph hinnein führen
lassen / vnd sich daselbs nider gethon.

Alle todte Leichnam von Christen vnd Türcken / hat
er an ein sonder ort ins Feld zusamen führen / vnd mit ein-
ander verbrennen lassen.

Die gefangnen Türcken / so der Graff hieuor vnd di-
sem krieg vber / inn stattlicher anzal zu handen gebracht /
seind alle in dem Thurm / darinn letztlich das Fewr ins
Puluers kōmen / ob einandnr verbrunnen.

Aber von den Christen Weib vnd Kindern / seind ley-
der in 2000. personē darinē noch lebendig gefangē wor-
den / die hat er stracks zu der Thonaw geschickt / daselbst zu
Schiff seken / vnd nach Constantinopel führen lassen.

In allerley Prouiant / voraus allerley getreidt ist noch
ein grosser mercklicher vorrath im Schloß verhanden ge-
west / aber von eh gemeltem fewr alles verbrunnen.

Etliche lebendige Ross / seind noch vberig gefunden
worden

worden/darunter eins theil gut gewest / vnd zum theil
von Türcken selbs genommen worden.

Sonst soll der Türck von streitbar gutem kriegsvolck/
biß in die 10000. (das arme gemein Pawrsvolck / so doch
jederzeit an dem stürmen die fordersten am spiz sein mus-
sen/darein nit gerechnet) vor diser Vestin verlorh haben.

Zu solchem Pawrsvolck / hat er gleich alsbald noch
mehr von seinen gepieten / weit vnd breit vmb / vnd vnder
Esseg / vnd andern noch weiter hinab gelegnen orten er-
fordern lassen / dieselben zu widerbauung des gar zerschof-
nen vñ gebrochne verbrentē schloß Zigeth zugebrauchen.

Von der Kay. May. geschütz vnd Munition / ob wol
desselben ein theil inn der prunst auffgangen / hat doch der
Feind ein zimliche anzal darinnen gefunden.

Er aber hat auß 20. Mairbrecherin / vnd dann dem
andern gemeinen Feldgeschütz / alles ob 200. stück hinein
geschossen / etc.

Als bald nach solcher eroberung / hat er verordnet / das
Schloß Bapotscha zwenzig tausend stark zubelegern /
dasselb sampt allen darbey / vngfehrlich in 4. oder 5. meil
wegs lang / nach dem wasser von dem Zigeth her gelegen /
Castellen / fürnehmlich auch Sackan vnd Schorzo zue-
obern / Vnd darauf ist Bapotscha alsbald aufgefordert /
vnd gleichwol von den vnsern Mannliche antwort ge-
ben worden.

Als aber dasselb Schloß vor einem solchen grausamen
gewalt / obs wol etwas wenig befestigt nit auffzuhaltē /
so habens die vnsern hernach mit feur angsteckt / verbrent
vnd verlassen / deß gleichen haben die jeshenanten andere
Castellen der orten / in der Nachtparschaft auch gethon.


Hierauff ist der Türcken meinigung gewest / ein gar
gewaltigs stark Kennen vnd streiff / auff das Fürsten-
thumb

thumb Steyr grausamlich ergehen / vnd ein groß verderben des Lands anrichten zulassen / wie auch alle sache darzu prepariert vñ geordnet gewesen sein sollen / Als er aber verstanden / wie das die S. D. Erzhertzog Caroll / an dem Wasserstrom Taum / das ist die Trab / mit ihrer D. vörligen hellen hauffen zu Feld glegert / in vorhaben solchem streiff gewaltiglich zu begegnen / vnd dan auch die jüngst verbrachten irer D. glücklichen thaten / sich auf einander Continuiert / Also haben sie mit solchem Keñen / noch bis her daselbs hinwerts innen gehalten / gleichwol auch von einem ander Keñen so herauß auf Osterreich / auch zum aller sterckesten fürgenommen werden sollen / nicht allein gerathschlagt / vnd sich darzu geschickt gemacht / sonder auch alle verordnung darauf gethon worden / Inmassen / dann ein solch Keñen von Zigetay auß / bis gen Oldenburg in tag vnd nacht / vnd wa nicht widerstand geschach / von dannen gleich gar bis gen Wien in gleicher frist vnd zeit / durch des Türcken Zackman wie sie es nennen / zu verhörung vñ verderbung des Lands / das der liebe Gott verhüte. Nun mehr vñ sonderlich / wa die Kayserliche Mayestat mir irem Kriegsheer nit so nahendt were / wol geschehen kündt. Der Allmechtige Gott / wolle disem vñ andern mehr vnrat / gnedig fürkommen / wie dan nichts erbärmlichers zu erdencken / als wann ohnzellig viel tausent Christen seelen mit solchem weeflagen / in die grewliche ewige vñ hische dienstbarkeit / wie jetzt an allen orten wo der Feindt oberhand nimpt erbärmlich geschicht / hinweg geschleiffet werden / Der ewige Gott bessere es.

Im Kay. Feldlager bey Raab / den
29. Septembris. 1566.

Faint, illegible text, likely bleed-through from the reverse side of the page. The text is arranged in approximately 20 horizontal lines across the page.







Farbkarte #13

B.I.G.



ffziger vñ
bericht / des Tür
ths / erfolgt auff
ptembris.
XVI.

h 164

